



Broj: 05/7-39-1-155-54/19

Sarajevo, 23. 10. 2019.

Z A P I S N I K

54. sjednice Vijeća nacionalnih manjina BiH, održane 23. 10. 2019.

Sjednica Vijeća nacionalnih manjina BiH počela je u 17 sati

Sjednicom je predsjedavao Andrija Svatok, predsjedavajući Vijeća nacionalnih manjina BiH.

Sjednici su prisustvovali: Tihomir Knežiček, Davor Ebner, Dejan Piotrovski, Jovanka Manzalović-Šalaka, Velibor Kuvač, Dragan Marković, Todorka Jovanović, Silvija Vujović, Vjeročka Gajić, Nedžad Jusić, Hakan Varan, Eva Pašić-Juhas, Mladen Radmilović i Halil Bicaj.

Sjednici nisu prisustvovali: Tijana Vučurević, Marija Grbić i Jakob Finci.

Sjednici su, također, prisustvovali: Drahoslav Štefanek, šef Ureda Vijeća Evrope u Sarajevu, Beti Čolak, projektni asistent Vijeća Evrope, Saliha Đuderija, pomoćnica u Ministarstvu za ljudska prava i izbjeglice BiH, Aida Kreho, sekretarka, Anđelka Dobrilović-Rajak, stručna saradnica u Zajedničkoj komisiji za ljudska prava, i Saliha Đuderija, pomoćnica u Ministarstvu za ljudska prava i izbjeglice BiH.

Prije početka sjednice predsjedavajući Vijeća nacionalnih manjina BiH Andrija Svatok uručio je zahvalnicu NJ. E. ambasadoru Drahoslavu Štefaneku, šefu Ureda Vijeća Evrope u BiH, koji se zahvalio predsjedavajućem i članovima Vijeća, te naglasio da je dosadašnja saradnja između Vijeća Evrope i Vijeća nacionalnih manjina BiH bila veoma uspješna i da će se nastaviti i u budućnosti.

Predsjedavajući Vijeća nacionalnih manjina BiH Andrija Svatok otvorio je raspravu o predloženom dnevnom redu. U raspravi su učestvovali: Tihomir Knežiček, Nedžad Jusić, Mladen Radmilović, Davor Ebner i Velibor Kuvač.

Tihomir Knežiček predložio je da se dnevni red dopuni tačkom Razno, u okviru koje bi se razmatrao odgovor predsjedavajućeg Vijeća na postavljeno pitanje.

Nedžad Jusić predložio je da se, također u okviru tačke Razno, razmatra informacija koja je objavljena u medijima povodom izvršenja naloga inspektorata Općine Centar za rušenje kuće u naselju Gorica.

Članovi Vijeća nacionalnih manjina BiH **jednoglasno** su usvojili dopunjeni

DNEVNI RED

1. Usvajanje Zapisnika 53. sjednice Vijeća nacionalnih manjina BiH;
2. Razmatranje Inicijative za donošenje Zakona o vijećima nacionalnih manjina u BiH, predlagач: Nedžad Jusić;
3. Razmatranje dopisa Agencije za prevenciju korupcije i koordinaciju borbe protiv korupcije;
4. Tekuća pitanja:
 - a) Razmatranje Izvještaja s 3. zajedničkog sastanka svih vijeća nacionalnih manjina u BiH,
 - b) Informacija s uvodnog sastanka projekta Vijeća Evrope i Evropske unije „Promocija različitosti i jednakosti u Bosni i Hercegovini“, održanog 15. 10. 2019. (izvjestioci: Andrija Svatok, Tihomir Knežiček, Todorka Jovanović),
 - c) Informacija o dopisu Instituta za nacionalne manjine iz Balzana, Republika Italija;
5. Razno:
 - Informacija u vezi s održavanjem sjednica Vijeća,
 - Informacija povodom izvršenja naloga inspektorata Općine Centar za rušenje kuće u naselju Gorica.

Ad. 1. Usvajanje Zapisnika 53. sjednice Vijeća nacionalnih manjina BiH

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda.

S obzirom na to da nije bilo rasprave, članovi Vijeća **su, s 15 glasova „za“ i jednim glasom „suzdržan“, usvojili** Zapisnik 53. sjednice Vijeća nacionalnih manjina BiH.

Ad. 2. Razmatranje Inicijative za donošenje Zakona o vijećima nacionalnih manjina u BiH, predlagač: Nedžad Jusić

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. U raspravi su učestvovali: Nedžad Jusić, Andrija Svatok, Tihomir Knežiček, Eva Pašić-Juhas, Saliha Đuderija, pomoćnica u Ministarstvu za ljudska prava i izbjeglice BiH, Jovanka Manzalović-Šalaka, Velibor Kuvač i Hakan Varan.

Vijeće nacionalnih manjina je, s **devet glasova „za“, dva glasa „protiv“ i četiri glasa „suzdržan“,** prihvatilo Inicijativu za donošenje Zakona o vijećima nacionalnih manjina u BiH.

Vijeće je konstatiralo da će razmatrati i sve ostale inicijative koje mogu poboljšati položaj i status vijeća nacionalnih manjina u BiH.

Ad. 3. Razmatranje dopisa Agencije za prevenciju korupcije i koordinaciju borbe protiv korupcije

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. U raspravi su učestvovali Jovanka Manzalović-Šalaka i Velibor Kuvač.

Članovi Vijeća **jednoglasno su** usvojili zaključak kojim se od Tužilaštva Bosne i Hercegovine traži informacija o preduzetim aktivnostima u vezi s predmetom upućenim Agenciji za prevenciju korupcije i koordinaciju borbe protiv korupcije.

Ad. 4. Tekuća pitanja

U okviru tekućih pitanja u raspravi su učestvovali: Nedžad Jusić, Andrija Svatok, Saliha Đuderija, pomoćnica u Ministarstvu za ljudska prava i izbjeglice BiH, Todorka Jovanović i Davor Ebner.

- a) Vijeće nacionalnih manjina konstatiralo je da je neophodno nastaviti saradnju svih vijeća nacionalnih manjina u Bosni i Hercegovini kao i praksu održavanja zajedničkih sastanaka, s ciljem promocije rada vijeća i pomoći pripadnicima nacionalnih manjina BiH, ali i razvijanja bolje međusobne saradnje i pomoći, te podržalo prijedlog da se

uputi dopis Vijeću nacionalnih manjina Federacije BiH kojim se ovo tijelo poziva da Vijeću nacionalnih manjina BiH dostavi informaciju o trenutnom stanju i položaju Vijeća nacionalnih manjina Federacije BiH, te problemima i izazovima s kojima se susreće, radi potencijalnog, i u skladu s nadležnostima, zajedničkog djelovanja na rješavanju najkrupnijih problema i poboljšanja statusa Vijeća nacionalnih manjina Federacije BiH.

- b) U vezi s projektom Vijeća Evrope i Evropske unije pod nazivom „Promocija različitosti i jednakosti u Bosni i Hercegovini“, primljena je k znanju informacija da će Ministarstvo za ljudska prava i izbjeglice BiH i Vijeće Evrope pozivati Vijeće nacionalnih manjina BiH da imenuje tri predstavnika nacionalnih manjina i dva zamjenska člana u Koordinacioni odbor nacionalnih manjina.

Poziv za učešće u radu Koordinacionog odbora za nacionalne manjine bit će upućen i nevladinim organizacijama, udruženjima i savezima koji zastupaju interese nacionalnih manjina u BiH.

- c) Članovi Vijeća nacionalnih manjina BiH primili su k znanju informaciju u vezi s dopisom Instituta za nacionalne manjine iz Balzana, Republika Italija.

Ad. 5. Razno

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. U raspravi su učestvovali: Tihomir Knežiček, Andrija Svatok, Hakan Varan, Mladen Radmilović, Saliha Đuderija, pomoćnica u Ministarstvu za ljudska prava i izbjeglice BiH, Nedžad Jusić, Todorka Jovanović, Davor Ebner i Silvija Vujović.

U vezi s održavanjem sjednica Vijeća, Tihomir Knežiček zatražio je od predsjedavajućeg Vijeća Andrije Svatoka da prisutne izvijesti o tome zašto se sjednice Vijeća ne održavaju u toku radnog vremena Parlamentarne skupštine BiH.

Predsjedavajući Vijeća nacionalnih manjina BiH Andrija Svatok odgovorio je da je Vijeće u proteklome periodu postiglo dogovor o terminima održavanja sjednica.

Vijeće nacionalnih manjina BiH prihvatilo je prijedlog Nedžada Jusića da, povodom informacije u medijima, od 22. 10. 2019, o izvršenju naloga inspektorata Općine Centar za rušenje kuće u naselju Gorica (općina Centar, Sarajevo) u vlasništvu Ramize Fejzagić, traže dodatne informacije o predmetu, odnosno razlozima rušenja kuće.

Sjednica Vijeća nacionalnih manjina BiH završena je u 18.50 sati.

Sastavni dio Zapisnika je tonski snimak 54. sjednice Vijeća nacionalnih manjina BiH.

Stručna saradnica

Anđelka Dobrilović-Rajak

Predsjedavajući

Vijeća nacionalnih manjina BiH

Andrija Svatok